

## السامريّة

1 كي عَرَفَ يَسُوعُ بِاللِّي الْفَرِّيْسِيِّينَ سَمَعُو بِاللِّي رَاهُم يُولِيُو عِنْدُو تَلَامِيْدٍ وِرَاهُو يَعْطَسُ كَثْرَ مِنْ يُوْحَنَّا،<sup>2</sup> وَالْوِ يَسُوعُ مَا كَانَش هُوَ اللَّي يَعْطَسُ، التَّلَامِيْدُ تَعُو هَوْمَ اللَّي كَانُو يَعْطَسُو،<sup>3</sup> خَلَا الْيَهُودِيَّةَ وَعَاوَدَ وَلَا لِلْجَلِيلِ،<sup>4</sup> وَكَانَ لَازِمَ يُجُوزُ عَلَى السَّامِرَةِ.<sup>5</sup> وَصَلَ هِمَّالَا لُوَاْحِدَ الْمُدِينَةَ تَعِ السَّامِرَةَ وَاسْمَهَا سُوخَارُ، قَرِيْبَةً مَالْأَرْضِ اللَّي عَطَاهَا يَعْقُوبُ لِيُوسَفَ وَليِدُو،<sup>6</sup> وَتَمَّ كَانُ كَائِنِ الْبَيْرِ تَعِ يَعْقُوبُ؛ وَعَلَى حَسَابِ اللَّي كَانُ يَسُوعُ عَيَّانَ مَالسَفَرِ، فَعَدَّ قُدَّامَ الْبَيْرِ، وَكَانَتْ جَوَايَه الطَّنَاشُ تَعِ النَّهَارِ.<sup>7</sup> جَاتِ وَاحِدَ الْمَرَا سَامِرِيَّةَ ثَعَمَّرَ الْمَا، وَقَالَلَهَا يَسُوعُ: "أَعْطِينِي تَشْرُبُ"<sup>8</sup> التَّلَامِيْدُ تَعُو كَانُو رَاوُ لِّلْمُدِينَةِ يَشْرِيُو الْمَاكَلَةَ.<sup>9</sup> قَالَتَلُو الْمَرَا السَّامِرِيَّةَ: "كَيْفَاش أَنْتَ اللَّي يَهُودِي تَطْلُبُ مِنِّي أَنَا مَرَا سَامِرِيَّةَ نَعْطِيكَ تَشْرُبُ؟" خَاظَرُ الْيَهُودُ مَا كَانَش عِنْدَهُمْ عِلَاقَاتُ مَعَ السَّامِرِيِّينَ.<sup>10</sup> جَاوَبَ يَسُوعُ وَقَالَلَهَا: "لَوْ كَانُ تَعَرَّفِي هَيْبَةَ اللَّهِ وَشَكُونِ اللَّي رَاهُو يَقُولُكَ أَعْطِينِي تَشْرُبُ، كُنْتِي تَطْلُبِي مَنُو وَهُوَ يَعْطِيكَ مَا حَيَّ"<sup>11</sup> قَالَتَلُو الْمَرَا: "سَيِّدِي، مَا عِنْدَكَش بِيْدُونِ وَالْبَيْرِ غَامَقُ، مَنِينِ هِمَّالَا يَكُونُ عِنْدَكَ هَادِ الْمَا الْحَيَّ؟"<sup>12</sup> مَحْسُوبُ أَنْتَ كَبِيرُ عَلَى بَابَانَا يَعْقُوبُ اللَّي عَطَلْنَا هَادِ الْبَيْرِ وَشَرَبَ مَنُو هُوَ وَوَلَادُو وَالْقَطِيْعُ تَعُو؟"<sup>13</sup> وَاجَبَ يَسُوعُ وَقَالَلَهَا: "كُلُّ مَنْ يَشْرُبُ مِنْ هَادِ الْمَا يَزِيدُ يَعْطَشُ،<sup>14</sup> بَصَحَّ اللَّي يَشْرُبُ مَا لَمَّا اللَّي أَنَا نَعْطِيهِلُو، مَا يَزِيدُش يَعْطَشُ عَلَى الدَّوَامِ، وَالْمَا اللَّي نَعْطِيهِلُو يُولِي فِيهِ عَنَصْرُ ثَقِيْضِ مَنُو الْحَيَاةِ الدَّائِمَةِ"<sup>15</sup> قَالَتَلُو الْمَرَا: "سَيِّدِي، أَعْطِينِي هَادِ الْمَا بَاشَ مَا تُزِيدُش نَعْطَشُ وَمَا تُزِيدُش نُجِي الْلَهْنَا نَعْمَرُ"<sup>16</sup> قَالَلَهَا: "رُوحِي عَيِّطِي لِرَاجَلِكِ وَأُرُوَاحِي الْلَهْنَا"<sup>17</sup> وَاجَبَتِ الْمَرَا وَقَالَتَلُو: "مَا عِنْدِيْش رَاغَلُ". قَالَلَهَا يَسُوعُ: "عَمَلْتِي مَلِيْحُ كِي قُلْتِي مَا عِنْدِيْش رَاغَلُ،<sup>18</sup> خَاظَرُ تُزَوِّجْتِي بِخَمْسِ رُجَالِ، وَدُرِكَ اللَّي رَاهُو عِنْدَكَ مَا شِي رَاغَلُ. فِي هَدِي قُلْتِي الصَّحَّ"<sup>19</sup> قَالَتَلُو الْمَرَا: "سَيِّدِي، رَانِي تُشُوفُ بِاللِّي أَنْتَ نَبِي،<sup>20</sup> جُدُودْنَا عَبْدُو فَوْقَ هَادِ الْجَبَلِ، وَأَنْتُومَ ثَقُولُو بِاللِّي أُوْرشَلِيمُ هِيَ الْمَكَانُ اللَّي لَازِمَ نَعْبُدُو فِيهِ"<sup>21</sup> قَالَلَهَا يَسُوعُ: "صَدَّقِينِي يَا مَرَا، يُجِي وَقْتُ وَبَيْنَ مَا رَايْحِينِ نَعْبُدُو الْآبَ لَا عَلَى هَادِ الْجَبَلِ وَلَا فَاوْرشَلِيمَ،<sup>22</sup> أَنْتُومَ مَا تَعَرَّفُوشِ اللَّي رَاكُم تَعْبُدُو فِيهِ، حُنَا الْيَهُودُ نَعَرَّفُو اللَّي نَعْبُدُوهُ، خَاظَرُ السَّلَاكُ يُجِي مَا لِيَهُودِ.<sup>23</sup> بَصَحَّ يُجِي الْوَقْتُ، وَرَاهُو وَصَلَ، وَبَيْنَ الْعَابِدِينَ الْحَقَّانِيِّينَ يَعْْبُدُو الْآبَ فَالرُوحِ وَفَالْحَقِّ، خَاظَرُ هَدُو هَوْمَ الْعَابِدِينَ اللَّي الْآبَ يُحَوِّسُ عَلَيْهِمْ.

24 الله روح، واللي يَعْبُدوه لازم يَعْبُدوه فالروح وفالحق" 25 قائلو المُرَا: "راني عارفة باللي المَسِيَّا اللي يَعِطُولو المَسِيح رايح يُجِي، كي يُجِي يُخَبِّرنا بْكل شي" 26 قالها يَسوع: "المَسِيح هُوَ اللي راهو يَهْدِر معاك" 27 داك الوقت جاو التلاميذ تَعُو وسَتَغْرِبُو كي كان يَسوع يَهْدِر مع مُرَا، بَصَح واحد ما قال: "واش راك تُحَوِّس" وَلَا "واش راك تَهْدِر معاها؟" 28 خَلات المُرَا الفُتَّة تَعُها، وراحت للمدينة وقالت للناس: 29 "أرواحو تشوفو واحد الإنسان قاللي كامل واش دَرَت، بلاك يُكون هُوَ المَسِيح؟" 30 خَرَجُو مالمدينة وراحو لعندو. 31 فهداك الوقت، كانو التلاميذ يَطْلَبُو من يَسوع ويقولو: "شيخ، كول" 32 هُوَ قاللهم: "أنا راني رايح ناكل ماكلة أنتوم ما تَعْرِفوهاش" 33 بَدَاو التلاميذ يقولو لِبَعْضُهُم بَعْض: "يكون كاش واحد جابلو ياكل؟" 34 قاللهم يَسوع: "نُدِير مُراد اللي بُعْتَنِي ونُكْمَل الخدمة تَعُو، هَدِي هِي ماكلتي" 35 ماشي تقولو أنتوم مازال رِبَع شهور ويُجِي الحَصَاد؟ هاني تقوللكم: أَرَفِدو عِينيكم وشوفو الحَصَايِد، راهم واجدين للحَصَاد. 36 الحَصَاد يَدِّي خَلَصُو، وَيُطِم الغلة للحياة الدائمة، باش اللي يَزْرَع واللي يَحْصَد يَفْرَحو كيف كيف. 37 خاطر في هاد الشئ، صَحِيح المَثَل اللي يقول: "واحد يَزْرَع وواحد يَحْصَد" 38 أنا بُعْتَنُكُمْ أنتوم تَحْصَدو اللي ما تُعْبَتُو فِيهِ، واحدو خرين تَعْبُو وأنتوم نَخَلتو في خَدْمَتُهُمْ" 39 بَزَاف مالمسامريين اللي آمنو بيه في هاد المدينة على جال كَلَام المُرَا اللي شَهَدَت: "قاللي كامل واش دَرَت" 40 كي جاو ليه السامريين، طلبو مَنُو يَبِقا عندهم وبِقا تَم يَوْمين. 41 بَزَاف زادو آمنو على جال كَلَامُو، 42 وكانو يقولو للمُرَا: "ماشِي على حُكَايَتِكَ اللي آمَنَّا، خاطر حُنَّا بالادات سَمَعْنَا ورانا عارفين باللي صَح هَذَا هُوَ سَلَاك الدنْيا"

### وَلِيدِكَ رَاهُو حَي

43 بَعْد اليومين، خَرَج يَسوع من تَم وراح للجليل، 44 هُوَ بالادات شَهَد باللي النَّبِي ما يَتَكْرَمَش فِي بِلادُو. 45 كي وُصِل للجليل، سَتَقَبَلُوهُ الْجَلِيلِيين كي شافو كامل واش دار فأورشليم فالعيد، خاطر هَوْمَ بالادات راحو يَحْضَرُو العِيد. 46 زاد راح لقانا تَع الْجَلِيل وبين رَد الما شَرَاب، وكان في كفرناحوم واحد مالعسكر تَع السَلْطَان وُلِيدُو مُرِيض. 47 سَمَع باللي يَسوع وُصِل مالمِيهوديَّة للجليل، وراح ليه يَطْلَب مَنُو يَهْبَط وَيَشْفِي وُلِيدُو خاطر كان فالَمَمَات. 48 هَمَّالًا قاللو يَسوع: "لو كان ما تشوفوش مارات وعجائب، ما تامنوش" 49 قاللو العسْكَري تَع السَلْطَان: "سيدي، أهْبَط قَبْل ما يَمُوت وُلِيدِي" 50 قاللو

يَسوع: "روح، ولِيدِكَ راهو حَي". آمَنَ الرَّاجِلُ بِالكَلامِ الَّذِي قَالَهُو لَوِ يَسوعَ وَراح. 51 كِي  
كان هابَط، جاو لاقاوَه الخَدَّامِين تَعو يَقولُو بِاللي وَلِيدُو راهو حَي. 52 سَتَّخَبَرُ مِنْهُمُ وَاش  
مَالساعَةَ وَلَا وَلِيدُو خَيْرِ مَاللي كان؛ قالولُو: "البارَحَ عالواحدة تَعُ النُّهارِ راحتلُو الحَمِّي"  
53 عَرَفَ البابات بِاللي فِي هَدِيكَ الساعَةَ الَّذِي قاللُو يَسوع: "ولِيدِكَ راهو حَي"، وَأَمَنَ  
هُوَ وَكاملَ دارو. 54 وزاد دار يَسوع هاد المُعجزة التانية بَعَد ما جا مَاليهُودِيَّةَ لِلجَليل.